



Cynulliad
Cenedlaethol
Cymru

National
Assembly for
Wales

DATGANIAD I'R WASG

Caffael cyhoeddus yng Nghymru – datganiad gan Gadeirydd y Pwyllgor Cyfrifon Cyhoeddus

Mae Nick Ramsay AC, Cadeirydd Pwyllgor Cyfrifon Cyhoeddus y Cynulliad Cenedlaethol, wedi rhyddhau'r datganiad a ganlyn mewn ymateb i adroddiad Swyddfa Archwilio Cymru, 'Caffael Cyhoeddus yng Nghymru'.

"Mae'r Pwyllgor wedi bod yn pryderu am enghreifftiau diweddar o arfer caffael gwael ac mae'r adroddiad hwn yn pwysleisio'r swm sylweddol o arian a gaiff ei wario bob blwyddyn gan gyrff cyhoeddus drwy eu gweithgareddau caffael.

"Mae cyfleoedd amlwg i sicrhau gwell gwerth am arian, nid yn unig drwy osgoi arfer gwael, ond hefyd drwy fanteisio i'r eithaf ar fuddion ehangach o gontractau lle bo modd.

"Mae angen i gyrff cyhoeddus sicrhau y gallant fanteisio ar y sgiliau masnachol sydd eu hangen i reoli gweithgaredd caffael a allai fod yn gymhleth ac, er gwaethaf ychydig o fuddsoddi gan Lywodraeth Cymru, mae'n bryderus bod gyrff cyhoeddus yn dal i wynebu anawsterau o ran recriwtio a chadw'r sgiliau sydd eu hangen arnynt.

"Bydd y Pwyllgor yn ystyried y canfyddiadau yn yr adroddiad hwn ac yn yr adroddiad ar wahân y mae'r Archwilydd Cyffredinol yn ei baratoi am y Gwasanaeth Caffael Cenedlaethol dros yr wythnosau nesaf."

Nodiadau i olygyddion

Mae'r adroddiad llawn 'Caffael Cyhoeddus yng Nghymru' ar gael gan [Swyddfa Archwilio Cymru](#).

[Rhagor o wybodaeth am y Pwyllgor Cyfrifon Cyhoeddus.](#)

I gael rhagor o wybodaeth, neu i wneud cais am gyfweiliadau, lluniau neu gyfleoedd ffilmio, cysylltwch â gwasanaeth cyswllt â'r cyfryngau y Cynulliad Cenedlaethol ar 0300 200 7487, neu anfonwch neges e-bost at newyddion@cynulliad.cymru.

Cymraeg

